

**Ein kurtzer vnter-
richt auff D. Georgen Maiors
Anewort / das er nit vnſchuldig
ſey / wie er ſich tragice
rühmet.**

Das gute werck zur ſeligkeit nit von
nöten ſind.

Das gute werck zu eim Chriſtlichen leben hie
auff erden nötig ſind.

Niclas von Amſedorff Erul.

Daſel.

Anno 1552.

• *Handwritten text, likely a title or header, possibly "Handwritten text" or "Handwritten text" followed by a date or location.*

Handwritten text, possibly a date or location, followed by a line of text.

Handwritten text, possibly a date or location, followed by a line of text.

Handwritten text, possibly a date or location, followed by a line of text.

Handwritten text, possibly a date or location, followed by a line of text.

Handwritten text, possibly a date or location, followed by a line of text.

Borg Maior leugnet alles was ich ihm schult gebe / vnnnd wil nicht vnrecht gethan haben/welchs ich sein eingen hertzen vnnnd gewissen heim stelle/ gegē demselbigen mag er sich entschuldigen / Wir andern sint leichtlich betrogen vnnnd vberredt/ aber Gott wird er nicht betrogen. Dieweil er aber so gar vnschuldig/vnnnd mit vns in der reinen Lehr eins sein wil / worumb schreibt er denn in seinen Būchern an König zu Engeland/ vnnnd an Ratt zu Mersburg/das wir hie zu Magdeburgk/ vom Teuffel erwege sind.

Ist das nit allein vrsach genug / das iderman mus glauben vnd bekennen/das ers nit mit vns/ sonder mit der Leipziger ordnung heldet? Wie warhafftig er sich nu entschuldiget / las ich ein idern richten. Denn wo er das wort Sola wider die Papiſtē stritte/ den Pabst für den Obersten / vnd seine Messebischoff für ordinarios Pastores nit erkente (wie wir abgott wil nimmermehr thun wollen noch können) so würde er vnns nit so vnuerſchembt dem Teuffel gegeben haben.

Dieweil er aber vns allein darumb (denn sonst haben wir nichts gethan) das wir ire Adiaphora (inn Pfeffingers Buch/ vnnnd im Gründelichen bericht der hendel/ verleibt / als nemlich vom wort Sola / von irer Messe/vom Pabst vnnnd seinen Messepaffen) nit haben willigen noch anneme wollen/dem Teuffel gibet/ so ist wol abzunemen ob er schuldig oder vnschuldig ist / vnd sich nach Gottes wort Christlich entschuldigt hat.

Denn zum ersten hab ich wider die drey Leipziger
A ij gische

gische Bücher/ so das Leipziger Interim (die schöne geburt/mit züchten zu reden) vertheidigen/ geschrieben/ vñnd niemandt mit namen genent/ wolt auch hernach mit namen niemandt genent haben/ wenn Georg Maior in seinen beiden Büchern oben gemeldet/ vñnd dem Teuffel nicht gegeben het.

Wo auch Georg Maior aufrichtig vñnd redlich als ein Christen/hette handeln wollen/ so solt er die irigen vñnd lecherischen articke/so wir in vnser Kirchen lehrten vñnd hielten/ angezeigt haben/ darumb wir des Teuffels weren.

Diueil er aber solchs schweigt vñnd vñns gleichwol dem Teuffel gibt / so ist ein gewis zeichen/das er vñns darumb dem Teuffel gegeben hat / das wir wider das Leipziger Interim inn den dreyen Büchern/so Pfeffinger hat drücken lassen/verleib/geschrieben haben / vñnd inn dieselben articke nichts haben willigen wollen.

Derhalben vnwidderprechlich folgt / das er die drey Bücher so Pfeffinger zu Leipzig hat drücken lassen (darinne die greulichen oben angezeigten irthumen vñnd lecherien stehen / welche er ihunt verleugnet/ vñnd vñns doch darumb/das wir sie nit willigen noch annehmen/ dem Teuffel gibt) nit allein gewilliget/ sondern auch selbst wie man sagt / mit gedichtet vñnd geschrieben / odder ihe auffo wenigste dazu geholffen hat.

Darumb ist ganz lecherlich zu hören/ das er schreibt er habe nichts damit zuthun gehabt / wie war das ist / wird der Bischoffe schrift zu Meissen vñnd Raumburg wol zeugnis geben.

So bekent auch Georg Maior selbst inn seiner antwort/

antwort / er sey neben andern Theologen bey etlichen handlungen gewesen/vñ hab etliche artickei stellen gehalten/on zweiffel wie sie in den dreyen Büchern/ so D. Pfessinger hat drucken lassen / geordnet vñnd gesagt sind.

Wider solche drey Bücher / so das Leipziger Interim verteidigen/habe ich vñnd die vnsern geschriben/ vñnd sind darüber von Georg Maior dem Zeussel gegeben. Darumb ist sein entschuldigung ein lauter gedicht/vñnd wie man sagt/nur wort vñnd feddern. Derhalben mus er vñnd seine mitadiaphoristen die schult tragen vñnd haben/das sie mit ihrer neuen ordnung/in denselben drey Büchern verleihe / trennung/spaltung vñnd ergernis in den Kirchen Christi angericht haben.

Das aber Georg Maior auff den Illyricum scheube/ das er solche trennung solt angericht haben/ ist nit allein lecherlich / sondern auch erschrecklich zu hören. Denn Georg Maior thut hie gleich wie Achab/der zu Elias sprach / Bistu der Israel verwirret? So doch Achab alle abgötterey lengst zuuor an vñ auff gericht hatte/ Eben also hat Georg Maior mit seinen gesellen/che Illyricus ein wort geschriben/Mutationes/Alterationes / Disiunctiones vñnd Separationes/ so zu brechen vñnd nicht zu bawen dienen/on beruff vñnd befehl Gottes worts angericht/dawider Illyricus lang hernach geschriben hat/Wie kan er den die trennung vñnd spaltung angericht haben?

Wer auch die gesellen sind / da von geschriben steht/currebant et non mittebant eos/das wird ihm vñnd seinen gesellen / ihr gewissen zu seiner zeit wol sagen/ ob sie dazu beruffen sind/ das sie die Religion so Gott

durch seinen werckzeug Doctorem Martinum Luthern
heiliger gedechtnis/restaurire vnnnd widder anges
richt hat/haben endern vnd mutirn sollen.

Jllyricus aber vnnnd ein ider Christ ist dazu be
ruffen/das man den Wölffen/dieben vnd mördern/eine
reden vnnnd widderstehen sol. Darumb hat Jllyricus
euch seelmördern/ aus pflicht seins Christlichen be
ruffs/auch widerstehen sollen vnd müssen/Denn wo er
vnnnd wir dazu stille geschwigen hetten/ so hetten wir
mit euch Christum vnd sein heiliges wort verleugnet/
den Antichrist angebet/vnd das malzeichen vom Thier
auff vnser stirn vnnnd hende enpfangen vnd angenom
men.

Wenn aber Georg Maior / wie er denn aus
pflicht vnd beruff seins ampts schuldig gewesen/ solcher
verenderung widderstanden het / odder noch dawidder
schriebe/so möchte sein entschuldung stat vnd raum fin
den. Dieweil er aber dazu stille schweigt/ ja vns dem
Teuffel gibe/ die wir dawider reden/so kan er nit vn
schuldig sein/ er rühme vnd schreibe was er wolle.

Auch ist nit war / das sie inn denselben ihren
handlungen/die reine Christliche Lehr/sampt den Cer
emonien Christi / gesucht odder gemeint haben / viel
weniger sie geübt/ getrieben vnd bekant / wie sich Ge
org Maior felschlich rühmet. Denn hetten sie die rei
ne Lehr des Euangelij/vnnnd die Ceremonien Christi/
erulich vnd mit ernst gemeint / so würden sies bey den
artickeln Lutheri/so er anno xxxvij. selbst geschriben/
dem Concilio zu Mantua zu der zeit zu vberantwort
ten/wol haben bleiben lassen/ vnd nit newe artickel/ br
denung/vnd Confession / den menschen damit zugefal
len/gestalt vnd geordnet haben.

Dazu

Dazu sind die drey gedruckten Bücher zu Leipzig fürhanden/welche sie gewaltiglich vberzeugen/das sie von der reinen Lehr vnd Religion gewichen vnd abgefallen sind/in dem das sie selbst mutirt vnd geändert/vnd eben damit den Antichrist anbetet/Christum vnd sein wort verleugnet haben.

Vnd wie wol D. Förster der fromme man Pfeffingers Buch/darinne die newe ordnung vnnnd enderung verleibt /als ein Christlich Buch ghen Regenspurg geschickt hat / so hat er doch in seiner Subscription wider den Oslander sich öffentlich gerühmet quod ne ad latum quidem unguem discesserint a priore religione. Sind das nit hube stück/so weis ich bey dem lieben Gott nit/was Christliche vnd erliche stück sind.

Denn in Pfeffingers Buch steht die newe Messe / der alten Opffermesse ganz gleich / Da steht das man das wort Sola nit streiten sol. Da steht des Teuffels verbot von der speise / Diese alle vnnnd ander artikel mehr / haben sie in der newen ordnung gewilligt vnd angenommen / noch darff der heilose man von sich schreiben vnnnd räumen / quod ne ad latum quidem unguem a sana doctrina discesserint.

Ich rede aber nit dauon / wie sies zu Wittenberg in ihren Schulen vnd Kirchen lehren vnnnd halten/sondern was sie zu Leipzig mit den Bisschoffen als ihren Ordinarijs auff gewisse form gewilligt/geordnet vnd gesagt haben.

Vnnnd das ist eben die grosse ergernis/da von die armen elenden Christen aus dem Oberlande so erbarmlich hiercin schreiben/das die zu Wittenberg ihre eigen ordnung/zucht vnd disciplin/ so sie selbst gestiftet vnd geordnet haben/ nit auff/ noch anrichten dürfen/ vnd den sie

denn sie bauet vnd bessert nie / sondern viel mehr ver-
wirret vnd ergert sie die gewissen/verterbet vnd zu-
stört die Kirchen.

Vnd des kan sich Georg Maior nit entschuldigen / dieweil er vns vmb der dreyer Bücher willen / so zu Leipsigk gedruckt sind / dem Teuffel gegeben hat. Denn wir haben sonst auff erden nichts gethan/ vnd man kan vns kein schule geben/ denn das wir wider die drey Bücher / so das Leipsigische Interim vertheidigen/ geschrieben haben.

Derhalben kan vnd wil ich auch mit Georg Maior vñ seinen Adiaphoristen/nit eins sein noch vertragen werden/ sie erkennen denn vnd widderuffen ihren irthumb/one das kan ich sie für keine Christen halten/ sie mügen mich halten wo für sie wollen.

I Vnd ich besorg das Georg Maior in seinem hertzen / wider sein eigen gewissen ein Pelagianer odder Papisten / mutwillens trage. Denn solchs zeigen an/ seine freche/freuel vnd vermessene wort/da er in seiner antwort wider mich spricht/Ich habe also gelernt/vnd wil all mein tage so lehren / Das gute werck zur seligkeit von nöten sind / vnd sage öffentlich mit klaren vnd deutlichen Worten / das niemant durch böse werck selig werde (behüt Gott für grosser kunst)vnd das auch niemant one gute werck selig werde/Vnd sage mehr/wer anders lehrt / auch ein Engel vom Himmel/ der sey verflucht (seuberlich lieber Geuatter) Wolan wie gefelt euch nu das? Das heist einem/mein ich/cin klippichen für die nase geschlagen/ Vnd spricht weiter/Denn ich weis/ das dis die rechte Prophetische vnd Apostolische Lehr ist (wie wens selte vnd nicht war were/ aber er setz da zu) so sie recht verstanden wird (das stehet wol dabey vnd ist hoch von nöten).Hact ille. Hie

Nie möchte ich zu erst gern wissen / wider wen
Georg Maior schreibe / da er spricht / niemandt ver-
diene durch böse werck den Himmel? Damit gibt er kler-
lich zu verstehen/ das man durch gute werck den Himmel
verdiene/ Ist das die Apostolische vnnnd Prophetische
Lehr? Zum andern schreibt er cum magna contentione
so hefftig/ man sol vnd mus gute werck thun. Wer hat
denn je gelert odder gesagt/ man solle odder dürffe nicht
gute werck thun? Hatt auch der zornige vnnnd störrige
Amsdorff je gelert oder geschrieben?

Wie kämpft denn der gelinde vnnnd sanfftmutige
Georg Maior dar auff/ das er wider Amsdorff sch-
reibt man sol vnd mus gute werck thun/ so doch Ams-
dorff in seiner schrifft wider Georg Maior von guten
wercken / ob man die thun odder lassen sol / nit mit ein
wort/ on allein so viel das wort Sola/ vñ den verdienst/
belange/ gewent oder gedacht hat?

Worumb macht denn Georg Maior so viel wort
da von / da er spricht / der Mensch ist nit ein stein noch
ein flos / sondern der heilige Geist vnnnd Glaube müsse
krefftig vnd thetig sein/ das wir nit nach dem fleisch le-
ben? Haccille.

Danck habt lieber geuatter guter vnterricht/
wer hat solchs gewußt / wenn ihrs vnns nit angezeigt
hat? Ich halt aber jr habts vergessen / odder wie ich
glaub / jr wolts mutwillig nit wissen / wo von jr re-
den vnd schreiben solt. Wir reden vnnnd disputirn hie
nit ob man gute werck thun sol/ daran auch die Heiden
nit zweiffeln/sonder da von/ ob der Mensch neben dem
glauben durch gute werck/ die er thun sol vnnnd mus/ die
seligkeit verdiene?

Darauff solt ein Magister noster eximius ant-
worten/

worten/vnd die sache wider sein zusag/ nit so felschlich
calumnijren vnd verkeren/ es gehört ein Quadruplatos
ri zu/ nit ein Prediger oder Doctor.

Denn wir sagen vnd bekennen alle/das ein Chris
ten nach der vernewerung vnd widergeburt/so! Gott
lieben vnd fürchten/vnd allerley gute werck thun/ aber
nit darumb/das sie zur seligkeit von nöten sind/welche
er schon zuuer durch den glauben erlangt hat/sondern
darumb/das er Gott lobt/liebe vnnnd danck/ seinen be
ruff fest mache/den alten Adam tödtet / vnnnd dem Neo
hesten diene/ Vnd dis ist die rechte Prophetische vnnnd
Apostolische lehr / vnnnd wer anders leret/als nemlich/
das gute werck zur seligkeit von nöten sind / der ist
schon verflucht vnd vermaledieit.

Derhalben sag ich Niclas von Amstdorff / wer
diese wort/wie sie da stehen (gute werck sind nötig zur
seligkeit) lehret vnd prediget / das derselbige ein Pelas
gianer/Manueluck vnd verleugnetter Christen/ vnnnd
zweifeltiger Papist ist. Denn die Papisten/Biszel vnnnd
Eckhens diese wort (gute werck sind zur seligkeit von
nöten) eben der form vnnnd gestalt / wie Georg Maior
widder vns führen vnnnd gebrauchen / Denn diese wort
(gute werck sind von nöten zur seligkeit) haben alle
Mönche vnnnd Pfaffen/widder Doctorem Martinum
heiliger gedechtnis/ gestritten vnnnd verteidiget/wie sie
ihunt Georg Maior / widder vnns mit ein kliepeln
schlaen für die nase (wie gefelt euch das) streitet vnnnd
verteidiget.

Darumb auch Georg Maior mit der Papisten
geist/ ganz vnnnd gar besessen ist / diem Weil er hie on alle
not/mit solchem trost vnd freuel die Bisclischen vñ also
ler Papisten wort (gute werck sind zur seligkeit von
nöten) verteidiget vnd streitet.

Vnd

Vnd ob er sich hernach lencket vnd erkleret/ so
ist doch noch ein spiegelfechten/ dieweil er diese Papi-
stische wort (gute werck sind von nöten zur seligkeit)
mit solcher hefftiger Contention sichtet vnd streitet/
damit er sich noch schuldig vnd verdecktig macht/ das er
das Leipziger Interim / gewilliget vnd angenom-
men hat / vnd das wort Sola nit mehr streiten wil/
Sonderlich dieweil er dazu geschwiegen / vnd solchs
nit widerfochten hat/ wie ihm in sein ampt vnd beruff/
wol geeignet vnd gebürt het/ Derhalben er auch allein
durch sein stil schweigen / das Interim gewilliget vnd
angenommen hat.

Zu dem so sind diese wort (gute werck sind nötig zur
seligkeit) wider Gott vnd seine heilige schrift/ sonder-
lich wider den heiligen Paulum/ der klerlich sagt/ Das
der Mensch gerecht oder selig werde / one werck durch
den glauben / Denn der glaub one alle werck / erlange
vnd erwirbt die verheissen gnad vnd seligkeit.

Daraus folgt vniwidderprechlich/ das man der
werck zur seligkeit gar nit bedarff / denn sie können
die verheissen gnad vnd seligkeit nicht ergreiffen noch
erlangen. Denn der verheissen seggen/ wird gratis sine
operibus spricht Paulus / vmb sonst / aus gnade / one
werck/ dem der da gleubet/ gegeben. Welche alles ge-
nugsam beweist vnd außsagt/ auch iderman kunt vnd
offenbar ist/ das es weiter keiner erklerung bedarff.

Ich weis sicher vnd gewis/ das Georg Maior dies
weil er sonst nichts antworten kent / aus lauter mutwil
wider sein eigē gewissen vns zuuerdries/ solcher Bize-
lischer vñ Eochleischer wort gebraucht / sich zu schmü-
cken/ vnd die Adiaphoristen in irer verleugung vnd iro-
nigen opinion zu stercken vñ zuuertheidigē/ da sie schrei-
bē man sol das wort Sola nit streitē. B ij Senft

Sonst würde er die Papistischen vñ Melichischen
wort (gute werck sind von nöten zur seligkeit) nie so
frech / freuel vñ vnuerschemt füren vñnd tragice xelas
miren / wie er in seiner antwort thut / mich verdecktig zu
machen / da er spricht.

Ist das nit ein grosse vergessenheit von einem
solchen alten Lehrer der Kirchen / das er öffentlich darff
schreiben / gute werck sollen zur seligkeit nit nötig sein.
Item / der gute alte man hat sich den zorn vberwinden
lassen / dawer schreiben darff / als solten gute werck zur
seligkeit nit nötig sein. Haec ille / on zorn aus lauter
liebe.

Ja so schreib ich / vñnd hab also für xxiiij. jarn
geschrieben / widder D. Wensing vñnd Korbart / beio
de Mönche hie zu Magdeburgk / mit wissen / rath vñnd
willen Doctoris Martini heiliger gedechtnis / vñnd wil
hinfürder so schreiben / vñnd trotz dem losen heuchler
Georg Maior das ehre vmbstosse. Vñnd sage noch das
diese Mönchische vñnd Papistische wort (gute werck
sind zur seligkeit von nöten) nit zu dulden noch zu lei
den sind / Denn sie schliessen in sich meritum / gleich ob
die werck verdieneten vñnd erwärben die seligkeit / welchs
widder Gott / sein Wort / vñnd alle Schrift ist / darumb
sol vñnd kan man / solcher Gottlosen vñnd Papistischen
wort / in der Kirchen Christi nit gebrauchen / als nemo
lich (gute werck sind nötig zur seligkeit) welche alle
Papisten widder vnns teglich führen / lehren vñnd pre
digen.

Vñnd wenn Georg Maior darauff dringen vñnd
bleiben wil / das diese wort / wie sie da stehen (gute werck
sind nötig zur seligkeit) solten vñnd müsten gelert wero
den / so ist er nit allein von der reinen Lehr abgefallen /
sondern

sondern ist auch ein Wammeluck / der Christum vnd
sein Wort verleugnet hat.

Vnd ob wol ein Christen so durch den glauben/
gnad vñ seligkeit erlangt hat/ gute werck zu thun pfflich-
tig ist/ das er hinfort als ein Christen vnd Kind Gottes
lebe/ Gott lobt / dancke vnd preys/ dem Nächstē diene/
So sind doch solche werck ihm zur seligkeit nit von nö-
ten/ welche er aus gnade on verdienst aller werck/ durch
den glauben schon erlangt vnd erworben hat.

Solchs weis Georg Maior sehr wol/ noch darff
er ein solch gepler vnd lang gewesch von guten wercken
machen/ gleich ob ich ihe gelert het / das ein Christen
mensch on gute werck leben solt oder kün̄t.

Vnd ob er wol sagt/ er wol meine schrift nit
calumniern / so stehen doch da seine wort/ damit er
mich auffs höchste iniuriert/ schmehet vnd lestert/ Der
alte man hat sich den zorn vberwinden lassen. Item/
es ist eine grosse vergessenheit / von einem solchen alten
Lehrer der Kirchen / das er schreibe/ gute werck sind nit
von nöten zur seligkeit/ Damit er mich aus seinem ge-
linden vnd sanfftmütigen geist verdecktig vnd heffig
mache/ ob ich geschrieben het / Christen sollen nit gute
werck thun.

Wisset das nit calumniert vnd iniuriert/ so weis
ich nit was calumniern vñ iniurieren heisset. Nu wolan
ich befehl̄s Gott vnd seim gewissen / denn ich weis sicher
vnd gewis/ das er mir willig vnd wissenlich gewalt vnd
vntreue thut / Denn ich hab stet alle Sonntag/ treulich
vnd vleissig nach mein vermügen gepredigt / vnd id̄ts
man mit ernst angezeigt/ das alle Christen die zehen
gebot Gottes zu halten schuldig vnd pfflichtig sint/ aber
nit die seligkeit dadurch zuerlangen / sender darumb/

das sie als newgeborne Kinder/ Güt dienen vñnd gehorsam weren/ Das müssen mir Magdeburg vñnd Ewig gezeugnis geben/ darauff ich mich beruffe.

Wie redlich vñnd ehrlich nu Georg Maior daran thut/ das er mich so felschlich wider sein eigen gewissen angibt/ als lerte vñ schriebe ich/ das ein Christen nit solt gute werck thun/ las ich ein idern richten.

Wie warhafftig nu sein enschuldung ist/ das er nit wil ein Adiaphorist sein/ noch das wort (Sola) wil verwurffen haben/ das zeigen diese seine eigene vñnd Papistische wort genugsam an (gute werck sind nötig zur seligkeit) welchs kein rechteschaffener Christ/ nimmermehr schreiben vñ sagen kan. Diweil zur seligkeit nichts denn der glaub allein von nöten ist/ welcher auch allein nach der widdergeburte/ Gott gehorsam machet/ das ganz Gesez erfüllt/ vñnd heuffig gute fruchte bringt.

Daraus folgt/ wer da sagt/ schreibe odder lehret/ (gute werck sind nötig zur seligkeit) der sagt vñnd bekent öffentlich/ das der glaub nit allein/ sondern auch die werck neben dem glauben/ den menschen from/ gerecht vñnd selig machen. Derhalben auch derselb das wort (Sola) nit streiten kan/ sondern den Mönchen vñnd Messpaffen solchs nachgibt vñnd nachlesset/ ihren aberglauben damit zu stercken/ nemlich/ das der glaub nit allein/ sondern auch die werck neben dem glauben/ zur seligkeit von nöten sind.

Diweil denn Georg Maior deutlich vñnd klerlich sagt vñnd streitet/ Gute werck sind nötig zur seligkeit/ so folgt daraus vnwiddersprechlich/ das er das wort (Sola) den Messpaffen zugefallen/ in der warheit vñnd mit der that/ nit streitet/ er schreib vñnd sage was er wolt.

D:nn

Denn wo er von herzen gleubet / das der glaub allein
one werck selig mache / so würde er diese Papistische
wort (gute werck sind von nöten zur seligkeit) mit so
hefftig streiten/ Denn mit diesen Worten wird das her-
liche werck der gnaden Gottes (gerecht vnd selig zu ma-
chen) den wercken vnser hende / zugeeignet vnnnd ge-
geben.

Ich rede aber izt nit wie es Georg Maior ver-
stet vnd glosirt/ sondern vom natürlichen verstande die-
ser wort (gute werck sind von nöten zur seligkeit) wel-
che nit allein nach art vnnnd natur der sprach / sondern
auch nach aller Papisten willen vnd meinung lauten/
meritum salutis.

Die weil nu solche wort / von des Antichrists
Wesbischoffen vñ Opfferpfaffen gebraucht werden/
vnnnd im articel der iustification haben wollen/ das der
glaub nit allein/ sondern der glaub vnd gute werck/ den
menschen für Gott from/ gerecht vnnnd selig machen/ so
kan man solcher wort (gute werck sind von nöten zur se-
ligkeit) mit gutem gewissen nit gebrauchen.

Vnnnd weil man das wort (Sola) den Wess-
pfaffen schon eingereumet vnnnd nachgelassen hat / das
sie es nit mehr streiten wollen / vñ dazu klerlich in ihrer
neuen ordnung/ an einem ort des Pegischen bedenkens
schreiben/ der glaub mache fürnemlich gerecht / Vnnnd
Georg Maior izt inn seiner antwort schreibt (gute
werck sind nötig zur seligkeit) so können die drey stück
zusamen gefasset/ keinen andern verstande geben / wenn
man gleich nit mit Papisten handelte/ deñ das der glaub
vnd die guten werck/ sempelich mit einander / den mens-
chen für Gott gerecht vnd selig machen.

Nech

Noch darff Georg Maior schreiben vnnnd sich
entschuldigen / er hab mit dem Leipzigerischen Interim
nichts zu thun/so er doch denselben inhalt vnd meinung
in seiner antwort wider mich klerlich verteidigt / hant
habt vnd schilt mit diesen worten (gute werck sind von
nöten zur seligkeit/vnnnd mit ein solchen trost vnd klip
lein für die nase (wie gefelt euch das ?)

Darumb ist inn diesen worten (gute werck sind
von nöten zur seligkeit) vnnnd andern dergleichen rede
vnd handel mit den Papisten/ ein warhafftige verleug
ung vnnnd gewisse verfelschung der reinen Lehr / ja ein
vnterdrückung bey vnsern nachkommen.

Das aber Georg Maior in seinen schriften des
worts Sola ist gebrauchet / kan ihn nit entschuldigen/
diweil ers zuuor in den Reisonischen vñ Leipzigerische
hendeln/darinne auch klerlich stehet / das man das wort
Sola nicht streiten wil/schweiget vnd nit mit ein wort
da wider gefochten hat/wie er seins ampts vnd beruffs
halben billich het thun sollen. Derhalben möchte er wol
stil schweigen vnd sein rhämen nachlassen/ nemlich/das
er in seinen schriften an Engelandt vnd Wersburgt
das wort Sola oft gebrauchet habe.

Was ist auch das ers nu ist oft wider gebrau
cht / diweil er gleichwol noch so greulich dawidder mit
diesen Papistischen worten wütet vnd tobet (gute werck
sind von nöten zur seligkeit)

Welche wort nit allein widder Gott vnd sein
wort sind/wie oben angezeigt/sondern auch sehr ferlich
sind/ daraus gewis/praesumptio oder desperatio/ ver
messenhait odder verzweiffelung bey den gewissen fol
gen mus. Darumb sol man in den Kirchen Christi dies
selbigen

selbigen wort (gute werck sind nötig zur gerechtigkeit
oder seligkeit) nit lehren noch predigen.

Denn bey den/ die gute werck haben/machen sie
vermessenheit vnd sicherheit/ das sie sich auff ihre werck
verlassen. Vey den aber / so keine gute werck haben/
machen sie verzweiffelung / das sie zur seligkeit keine
hoffnung haben können / dieweil sie keine gute werck/
so zur seligkeit von nöten sind/ gethan haben / vnd son-
derlich inn der anfechtung/ da sie keine füllen noch se-
hen/Vnd das wil der Teuffel durch Georg Maior ha-
ben/das die Leute in vermessenheit oder verzweiffelung
fallen sollen.

Darumb gehört die Predigt von guten wercken
nit an diesen ort / da man lehrt wie man sol selig wer-
den / da sol man guter werck schweigen vnnnd gar nit
gedencken/vnnnd solche Predigt von guten wercken spaa-
ren / bis an seinen ort / da man die Christen vermanen
vnd erinnern sol/das sie als Kinder Gottes/vnd nit wie
die Kinder dieser welt/Christlich leben sollen/Gott ih-
ren Himlischen Vater/ als gehorsame Kinder/lieben/
loben/ preisen vnd dancken.

Derhalben wenn wir mit S. Paul lernen vnnnd
predigen/die werck sind nit nötig zur seligkeit / so folge
nit daraus/das Christen sollen böse werck thun / oder
on gute werck leben/sondern das folgt daraus/ das gute
werck die seligkeit nit verdienen. Wenn man aber le-
ret/gute werck sind von nöten zur seligkeit/so folgt dar-
aus/gute werck verdienen die seligkeit.

E

Darumb

Darumb sol man sich für solchen ferklichen vnnnd
Papistische worten hüten / Den wer solche Papistische
wort gebrauche / der ist gewis aus denen / so das wort
Sola nit streiten wollen / Vnnnd mache sich verdecktig
das er ein Interimist / Adiaphorist vnnnd Papist ist / die
da schreiben vnnnd lehren / das man durch gute werck den
Himmel vnnnd die seligkeit verdiene / Welchs den glauben
schwecht / vnnnd Gottes gnade verkleinert vnnnd verdun-
ckelt / Wie Doctor Martinus vrtail von dieser rede (gute
te werck sind nötig zur seligkeit) klerlich laute / so
sie ihunt zu Wittenberg haben drücken lassen / zu ende
der antwort Philippi / auff Osianders bekentnis / Geo-
rg Maior ganz zu entgegen.

Er spricht auch / er hab den Babst für ein Obers-
ten Bisschoff nit erkant / noch den Antichrist angebet /
derhalben thu ich ihm gewalt vnnnd vnrechte. Daraus
sag ich kürzlich / da ist die newe Leipziger ordnung /
vnd die drey Bücher zu Leipzig gedruckt / so dieselbige
ordnung verteidigen / darinne klerlich stehet / das der
Babst der oberste Bisschoff sein sol / vnnnd die andern
Bisschoff ordinarij pastores sein sollen / dawider haben
wir geschrieben / vnd niemant mit namen genent.

Die weil aber Georg Maior inn seinen beiden
Büchern / an Engelandt vnd Wersburg schreibt / das
wir vom Teuffel erweckt sind / vnnnd des allein diese vrs-
ache hat / das wir wider das Leipziger Interim ge-
lert vnd geschrieben haben / so folgt vnwidersprechlich /
das Georg Maior sich desselben Interims / so inn den
dreien Büchern verteidiget wird / angenommen / den
Babst vnd seine Wersbisschoff / für ordinarios pasto-
res erkant / vnd also den Antichrist angebet hat.

Solchs

Solchs mus er leiden vnd dulden/oder ein ander
verschach anzeigen / worumb wir vom Teuffel erweckt
sind/Denn wir hic zu Magdeburg in dieser Kirchen/
haben sie auff eyden ihnen sonst nichts gethan/denn das
wir wider ihre neue Leipzigerische ordnung/daran Ge-
org Maior hat sicken helffen/geschrieben/vnnd dieselb
be nit haben annemen wollen.

Das ist der keiff vnd zant/darumb haben sie vns
dem Teuffel gegeben / Wird nu Georg Maior kein
ander verschach anzeigen / worumb wir vom Teuffel er-
weckt sind/ so sol vnnd mus er ein Papist/Mammeluck
vnnd ein anbeter des Antichrists bleiben sein leben
lang.

Vnd er sehe zu mit alle den seinen/ wie sie es vera-
antworten wollen/ das sie diese vnschuldige Kirche / so
greulich schmechen vnd lestern/das ire diener vom Teuf-
fel erweckt sind/darinne doch bey xxx. jarn die Lehr des
Euangelij/lauter vnd rein gepredigt / des gleichen die
Ceremonien lauter vnd rein nach Gottes wort vnd be-
fehl / on alle schwermercy einetrechtig in allen Kirchen
getert vnd gehalten sind/ Also das auch niemant diese
Kirche zu Magdeburg mit einiger Ketzerey / irthumb
oder schwermercy / von anfang bis auff diese stunde/
zeihen noch schuldigen kan oder mag.

Derhalben dieweil ich auch einer aus der Kirchen
zu Magdeburg bin / so hat mir geeignet vnnd gebürt/
solche grausame schmeche vñ lester wort Georg Maiors
das wir vom Teuffel erweckt sint/ zuuerantworten/vnd
wider in nit aus zorn/sondern zu errettung der Göttli-
chen warheit/vñ vnsero Christlichen namens zuschrei-
ben/vnd

ben/vnnd soerman anzuzeigen das wir keinen Teuffel
haben/wie vns das lügen maul in seinen beiden Büch-
ern schult gibe.

Kan er nu ein einigen irthumb/lügen/leheren
oder schwermerey anzeigen / derhalben wir vom Teuf-
ffel erweckt sind / so sol er gewonnen haben / Wo er
aber solchs nit thun wird / so ist er schuldig an allem/
das ich ihm hab schult gegeben/ vnd hilfft ihn seine ent-
schuldigung gar nichts. Denn wo ers mit vns wider
die Leipziger ordnung hilde / wie er aus pflicht vnd
befehl seins beruffs vnd ampts / wol zu thun pflichtig
vnnd schuldig were/ so würde er vns in seinen gedruck-
ten Büchern / nit so vnnerschemt dem Teuffel gegeben
haben.

Darumb sag ich noch / er zeige denn ein ander
vrsach an/worumb wir vom Teuffel erweckt sint/so ist
gewis / das er vnns darumb dem Teuffel gegeben hat/
das wir wider die Leipziger ordnung geschrieben
haben/er sey bey der handlung zu Leipzig gewesen oder
nit. Darumb hilfft ihn nichts das er saunt sich weis
zubrennen/ wider den Pabst vnnd die Messe geschrie-
ben hat/ Er hats ein mal versehen/darumb mus er wi-
derruffen / oder ein Leipziger Adiaphorist bleiben
sein leben lang/ Vnnd wo er nit ein ander vrsach an-
zeigt / wie gesagt / worumb wir vom Teuffel erwegt
sind/so hat er gewisslich alle articel der Leipziger
ordnung/da wider wir geschrieben/gewillige vnnd an-
genommen/Vnnd ist nit genug / das er saunt anders
schreibe/ sondern er mus seinen irthumb / damit er die
ganze Christliche Kirche greulich hat geerrert / vnnd
vns

was noch darüber dem Teuffel gibe/bekennen vnnnd wir
beruffen/so er anders wil selig werden.

Wie auch das flapt vnnnd klingt das er schreibe/
er hab die Prediger zu Zorga nit veriaht/ Denn er hab
nir macht noch gewalt/ inantis zuueriaht/ Solchs were
on got zu schreiben/ wir wissen wol das er zu Zorga
nit Schöffter noch Richter ist. Wer aber die armen
Predicanten/ da sie zu Wittenberg gefangen lagen/
cranimire vnd verdame hat/ da schweigt man stille zu.
Sie waschen mit Pilato die hende vnnnd sprechen/ wir
sind vnuschuldig an diesem Blut.

Nu wolan fart hin/ ir werdet vnd solts bald er-
sarn/ wer daran schuldig ist/ Es ist se gewis/ das sie
vnns Leipzigschen Interims willen veriaht sind/
Wird nu Georg Maior nit ein ander vrsach ansetz-
en/worumb sie veriaht/ vnd wir vom Teuffel erwegt
sind/ So ist er ein Interimist/ Adiaphorist/ vnnnd Pas-
pist/ vnd hülff ihm sein vnuschuldigung gar nichts/ die
welt hat er leichtlich betrogen/ aber Gott wird er nit
betriegen.

Das aber Georg Maior/ wie die vnnützen we-
scher so böse sachen haben/für gericht zu thun pflegen/
so ein grosse traglicke exclamationem machet als nem-
lich/das ist ein grosse böseheit/ verstockung vnd blind-
heit/dieweil sie für augen sehen/ das wir nichts verene-
dern/vnnnd mit oren hören/ das wir die reine Lehr wie
zuuor predigen/ etc. vnnnd vnns doch gleichwol für
öffentliche Mammelucken ausruffen/ leßtern vnnnd
schenden/ ist ein lauter gericht.

¶ Denn wir schreiben nit was sie zu Wittenberg
gethan haben/ sondern wir schreiben wider die Leipzi-
gische ordnung/ vnnnd die drey Bücher fechten wir an/
darinne nit allein die Ceremonien / sondern auch die
Lehr mit dem wort Sola/ Buss vnd Sacramenten ge-
endert / vnnnd Christus vnser lieber Herr/ mit seim E-
uangelio gang vnnnd gar verleugnet ist. Qui enim
in vno delinquit/ factus est omnium reus etc.

¶ Vnnnd ob sie zu Wittenberg nichts geendert ha-
ben / so ist doch in andern Stücken etwas innert vnd ge-
endert / vnnnd haben sie ander leut die Ceremonien zu-
endern gedrungen vnd gezwungen. Derhalben müß-
sen sie Wammelnucken vnnnd verleugente Christen sein
vnd bleiben/ sie wollen oder wollen nit / vnd sonderlich
Georg Maior / er verdamme denn mit vnns das Leip-
ziger Interim / oder zeige an / worumb wir vom
Teuffel erweckt sind.

¶ Das er sich rühmet/ er hat das Babstthumb heff-
tiger gestürmt/ denn Ilyrieus oder ich/ das las ich wol
geschehen/ er rühme immer hin / ich gan ihm der ehren
sehr wol / Allein er sehe zu worumb er vnns denn so
greulich iniuriert/ schendet vnnnd leßtere / da er sagt wir
sind vom Teuffel erweckt / so wir doch nichts gethan/
denn das wir wider den Babst vnnnd seine Adiaphori-
sten/ so viel wir vermochte / ob nit so geschickt als er sich
düncken leß / geschrieben haben.

¶ Item/ er sehe zu/ worumb er mit Cochleo vnnnd
Wikel so hefftig vnd contentiose siche vnd streitet / das
man zur seligkeit sol gute werck thun / gleich ob wir
sonst

Diese gute werck verbeßern hetten. Heisset das das
Wabsthum stümmen. Ich meinte das Wabsthum
würde damit verteidiget / wenn man lerete / gute werck
sind von nöten zur seligkeit. Ich meinte die Papisten
werden allein solche giftige lügner / die da sagten / wir
verbütten gute werck / So tritt des Wabsthums stär-
mer Georg Maior an ire stat / vnd schreibt von vns/
gleich ob wir gute werck verbütten / so er doch wol weis/
das wir hie zu Magdeburg rechtschaffene gute werck/
wie vnd worumb man sie thun sol / sich vnd alle zeit ge-
lert vnd geprediget haben / Wer het das immer mehr
gedacht / oder inn sein hertz nemen dürfen / das Georg
Maior het Cochleus vnd Wisel's patron vnd aduocat
werden sollen / jr Lehr (nemlich gute werck sind nötig
zur seligkeit) zuuertheidigen.

Darumb hilfft in nichts / das er wider das Wabst-
thum geschrieben hat / dieweil er mit Cochleo / Wisel
vnd allen Papisten wider vns schreibe / gute werck sind
von nöten zur seligkeit / vnd also mit der that wider sein
eigen maul / ein rechter Papist ist.

Vnd dieweil Georg Maior wol weis / das wir
hie zu Magdeburg / vom glauben vnd guten wercken
recht leren vnd predigen / vnd nie anders gelert vnd ge-
prediget haben / so solt er billich seine tragicas exclama-
tiones wider vns / als verbütten wir gute werck / vniers
lassen haben.

Das möcht wol ein verzweiffelte blindheit / ver-
stockung vnd bosheit sein / ja ein recht buben stück / das
er durch sein schreiben / unschuldige leut sol verdecktig
machen / als lehrten sie / die Christen dürfen mit gute
werck thun.

So er

So er doch wol weiß/wann man vom wirt Holt
handelt/nemlich/das der glaub allein/en alle werck zur
seligkeit von nöten sey / das man nit lehret noch hand
belt/wie ein Christen leben / oder was er thun sol/sen
dern wie er gnad vnd seligkeit erlangen sol.

Worumb denn / vnnnd wider wen macht Georg
Maior ein solch lang gespess vnnnd geschrey / das man
gute werck thun sol? Dieweil wir allzeit gute werck/
als fruchte vnnnd folge des glaubens geleri vnd gepre
digt haben/ worumb hat er vns dem Teuffel gegeben?

Dawider hab ich nu geschrieben vnnnd schreibe
noch/das Georg Maior vns vnrechte thut/ vnd das wir
keinen Teuffel haben/Sondern das er (dieweil er schreibe/wir
sind vom Teuffel erweckt/vñ kein vrsach anzeigt worumb)
selbst gewis mit dem Teuffel besessen ist/Denn er vns gewislich darumb dem Teuffel gege
ben hat / das wir ihre teuffelische Adiaphoristerey mit
haben willigen noch annehmen wollen.

Das auch Georg Maior praecoecipit vnd fürs
beugt/des Concilij halben/ were on not/das ende wirts
wol aufweisen. Sie bekennen aber gleichwol vnd zeu
gen/damit das sie haben ziehen wollen/Das der Pabst
macht vnnnd gewalt habe/ ein Concilium aufzusetzen/
vnd bestetigen etlicher massen damit/ das Papistis
sche vnnnd Antichristische Conciliabulum / als were es
ein frey Christlich Concilium.

Vnd wiewol solch Psaffen Conciliabulum/sein
grund noch vrsach ihres glaubens von ihn fordert noch
begert

begere hat/doch haben sie gleichwol dahin ziehen wol-
len/ wie Georg Maior schreibe/ihren glauben zuber-
kennen/ So doch dieselben Messbisschoff vñ Opffers-
Pfaffen/ von vns grunde vnd versach vnsers glaubens/
nicht haben sehen noch hören wollen/ wie oft wir auch
darumb demütiglich gesuchet vnd gebeten haben/ Son-
dern sie haben stet von vns gefordert vnd begert/ das
wir vnser Lehr widerruffen solten/ vnd haben vns kein
verhör gestatten noch zulassen wollen.

Vnd zu lezt das ich beschlicße/vnnd nit auff alle
wort antwortē/ so sag ich/ das ich Georg Maiors herr
vnd gewissen nit riecht/ wie er mich felschlich zeihet vnd
schalt gibe/ Ich riecht vnd schuldige seine schrift/die er
an Engelandt vnnd Merseburg öffentlich hat lassen
ausgehen/ darinne er klerlich vnnd deutlich schreibe/
der Teuffel hab vns erweckt. Nu kan er kein ander ver-
sach anzeigen/ denn das wir wider die drey Bücher/so
Opffinger zu Leipzig hat drucken lassen/ darinne die
Leipzigerische ordnung verteidiget wird/ geschrieben
haben. Vnd wo er nit ein ander versach anzeiget/so
hat er selbst eben damit/ das er schreibe/ wir sind vom
Teuffel erweckt/sein herr vnd gewissen verraten/vnnd
an tag gegeben/ das er ein rechter Adiaphorist vnd Pa-
pist ist/der an allen stücken so in der Leipzigerischen ord-
nung verleibt sind/ schuldig ist/ Vnd derhalben er
vnd nit wir/ergernis/trennung vnnd spaltung angeri-
cht/ die Kirche Christi zurüttet/ die gewissen verwir-
ret/vnnd solchen schaden gethan hat/ das es die Kirche
Christi nimmer verwinnen wird.

Er sey nu dabey gewesen oder nit/ so hat er vnns

dem Teuffel gegeben / Darumb sol vnd mus er vrsach anzeigen / worumb wir vom Teuffel erweckt sind / oder mus selbst des Teuffels sein vnd bleiben. Denn wo es vnschuldig were / vnd ein Christlichen bluts tropffen in sein leib hette / so würde er vns in seinen schrifftten vnd auff der Cangel / nit so greulich in grim vñ zorn schmecken vnd lestern / Sondern würde grund vnd vrsach / als nemlich vnsern irthumb vñnd eckerey / in der Lehr / oder vnser schwermercy in Ceremonien anzeigen / das iderz man sehe vñnd höre / das wir vnrecht hettten / vñnd vom Teuffel weren.

Vnd dieweil er mit seinem schelecken vnd lestern / vn auffhören so greulich tobt vñnd wüet / so ist ein gewis zeichen / das ich sein herb vnd gewissen getroffen habe / Wie auch bey dem wol abzunemen ist / das er auff die andern stück / so ich ihm hab schuld gegeben / vñnd in seinem Buche zwar auch davon proponirt / dennoch so ghar schweigt vnd vberhin leufft. Ist er aber nit getroffen / so zeig er noch vrsach an / worumb er vns so öffentlich in seinen schrifftten / dem Teuffel gegeben hat.

Dabey las ichs wenden vnd bleiben / vñnd wil sehen was der Teuffel thun kan. Deñ ich hab mein vorige schrifft vnd diese antwort / aus höchster not / zu errichtung der Göttlichen warheit / vñnd vnser Christlichen namens / thun müssen.

Denn wie solten wir das leiden / das ein solcher heuchler / so frech / freuel vnd an alle schem / vnd dazu in frembde Nation von vns schreiben solt / Sie haben den Teuffel / vnd kein vrsach anzeigen / worumb.

Solchs

Solchs wolt vnnnd kont Christus vnser lieber
Herr nie dulden noch leiden/ wie solten wirs denn dul-
den vnd leiden. Derhalben wird mich kein rechtschaff-
ner Christ verdennen/das weis ich fürwar / Was aber
heuchler sind/so halbiern wollen/die las ich faren/vnnnd
bey ihrem Demosthene vnnnd Cicerone bleiben / so lang
sie wollen. Sie mügen von mir halten was sie wollen/
ich darff ihres lobes nirgent zu. Es ist einer/wenn mich
der lobt/so hab ich mehr denn genug. Es ist mir lieber
das solche gesellen vnd klügling/mich ein Narren vnnnd
Eselfkopff heissen/ denn das Christus mein lieber
Herr / wenn ich mich gleich auch viel rhümen wolte
oder künste/ich hette inn seinem namen geweissagt / viel
grosse thaten gethan(wie die jenigen Matth.vij.)an
jenem tag gleichwol zu mir sagen solt / Heb dich
von mir / du hast den Antichrist angebet/
vnnnd das malzeichen von ihm/an deine
stirn oder auff deine hant ge-
nommen/ vnnnd mich für
den Leuthen ver-
leugnet.